

## Сух тумани 30 ёшда



### Сух тумани 30 ёшда

Сух тумани вилоятимиз миқёсида алоҳида жуғрофик аҳамиятга эга ҳудуд ҳисобланади. Тўрт томони пурвиқор тоғлар билан ўралган, Қирғизистон Республикаси ихотасида бўлган анклав туманда асосан тожик тилига мансуб юртдошларимиз истиқомат қилишади. Мустақиллик шарофати ила туманда кўп ўзгаришлар, ободончилик ишлари олиб борилиб, бундай хайрли амаллар бугун ҳам ўзининг мантиқий давомини топмоқда.

27 февраль куни Сух тумани аҳолиси учун тарихий ва унутилмас сана эканлиги билан ҳам аҳамиятлидир. 27 февраль 1990 йил Риштон тумани тасарруфида бўлган Сух совхозига туман мақоми берилди. Бугун ушбу тарихий санага 30 йил тўлди. Туманнинг 30-сонли болалар мусиқа ва санъат мактабида Сух тумани ҳокими Фаррух Усаров ташаббуси билан Сухнинг 30-йиллик юбилеи кенг нишонланди. Тадбирда корхона-ташкilot ва муассасалар раҳбарлари, туман ривожига ҳисса қўшиб фаолият олиб борган фахрийлар, маҳалла фуқаролар йиғинлари, ҳуқуқ-тартибот органлари, оммавий ахборот воситалари ва кенг жамоатчилик вакиллари иштирок этишди.



Тадбир аввалида Сух тумани ҳокими Фаррух Усаров сўзга чиқиб, 27 февраль куни тумanning ҳар бир фуқароси учун унутилмас ва тарихий кун эканлиги, кўҳна ва навқирон Сух бой тарихга эга ҳудудлардан бири эканлиги, Президентимиз эътиборлари асосида Сух кундан-кунга чирой очиб бораётгани ва бу ишларда меҳнаткаш Сух халқининг ҳиссаси улканлигини таъкидлаб ўтди. Қайд этилдики, тумanning ташкил топиши ва унинг ривожига кўп инсонларнинг меҳнати синган. Тумanning биринчи ҳокими, Сух фарзанди - Баҳодиржон Обиджонов ана шундай инсонларнинг биридир.



---

Тадбир давомида Сух туманининг биринчи ҳокими Баҳодиржон Обиджонов сўзга чиқиб, Сухнинг туман сифатида ташкил топишидаги ҳаракатлар ва тарихий воқеалар ҳақида гапирди. “Бугунги Сухнинг кўрку чиройини 30 йил олдиндаги туман сиймоси билан таққослаб бўлмайди. Чунки ушбу муддат давомида, айниқса, мустақиллик йилларида Сух туманида кўп ўзгаришлар ва янгиланишлар, асрга татиғулик ишлар амалга оширилди. Барча ўзгариш ва ислохотлар, янгиланишлар замирида бевосита Президентимиз ва Ўзбекистон Республикаси ҳукуматининг эътибори ва ғамхўрлиги, Ватан тақдирига дахлдорлик ҳисси кучли бўлган меҳнаткаш халқимизнинг меҳнати мужассам. Туманни обод қилишдек эзгу ният билан фаолият олиб бораётган туман ҳокими Фаррухбек Усаров ва туманимиз меҳнаткашларининг саъй-ҳаракатларида ўлкан зафарлар тилайман” деди Баҳодиржон Обиджонов.



Туман санъаткорларининг Ватанни мадҳ этувчи қўшиқларига уланиб кетган тадбир ва янграган тароналар иштирокчилар кайфиятига янада кўтаринкилик ва ўзгача рўҳ бағишлади. Туман ҳокими Фаррух Усаровнинг ташаббуси билан ҳар йли 27 февраль санаси Сух туманининг ташкил топган куни сифатида нишонланадиган бўлди.

**Сух тумани ҳоқимлиги Ахборот хизмати**

2020-03-02 14:06:32